



**Broj: T18 0 KTPO 0018177 25**  
**Brčko, 19.02.2026. godine**

**Optužnica potvrđena dana 25.02.2026. godine**

Na osnovu člana 35 stav (2) tačka ž) i člana 226 stav (1) Zakona o krivičnom postupku Brčko distrikta BiH, p o d i ž e m:

**O P T U Ž N I C U**

**Protiv:**

**A. I.**, rođen 1996. godine u Tuzli,

**Što je:**

U periodu od 12.11.2024. godine do najkasnije 20.11.2024.godine u Saveznoj Republici Njemačkoj osiguravajućoj organizaciji "Huk Coburg", u namjeri da ostvari bonus pri osiguranju, predao, a što je i htio potvrdu o postavljenim odštetnim zahtjevima trećih osoba temeljem osiguranja od automobilske odgovornosti osiguranika za prekograničnu upotrebu, do koje je došao u posjed na njemu poznat način, navodno izdatu dana 12.11.2024. godine od strane "Brčko gas osiguranja" d.d. Brčko, a koju je isto dužno izdati svojim osiguranicima, na njihov zahtjev, shodno članu 13 stav 4 i stav 5 Zakona o obaveznim osiguranjima u Federaciji BiH („Sl.novine Federacije BiH“ broj 57/20 i 103/21), u kojoj je navedeno da je on u period od 13.02.2016. godine pa do 13.02.2023. godine bio osiguranik od automobilske odgovornosti kod „...“ d.d.Brčko i da u tom periodu nije postavljen nijedan zahtjev za naknadu štete, čime je stekao pravo na bonus premije od 50%, iako je znao i bio svjestan da je ista neistinitog sadržaja, jer u periodu navedenom u potvrdi nije uopšte bio osiguranik od automobilske odgovornosti navedene osiguravajuće organizacije,

dakle, neistinitu poslovnu ispravu upotrijebio kao da je istinita,

čime bi počinio krivično djelo - Falsifikovanje ili uništenje poslovnih ili trgovačkih knjiga ili isprava - iz člana 255 stav (2) Krivičnog zakona Brčko distrikta BiH

\*\*\*

---

**\*\*Ovom objavom ne prejudicira se ishod krivičnog postupka i ne narušava princip presumpcije nevinosti.  
Svako se smatra nevinim dok se pravosnažnom presudom ne utvrdi njegova krivica.\*\***

---